



Na osnovu člana 6. Odluke o utvrđivanju javnih priznanja Općine Novo Sarajevo („Službene novine Kantona Sarajevo“, br. 49/15 i 45/19) i člana 8. Pravilnika o kriterijima za dodjelu javnih priznanja Općine Novo Sarajevo („Službene novine Kantona Sarajevo“, br. 49/15 i 45/19), Komisija za izbor, imenovanja i javna priznanja, o b j a v l j u j e

## JAVNI POZIV ZA PREDLAGANJE KANDIDATA ZA DODJELU JAVNIH PRIZNANJA OPĆINE NOVO SARAJEVO U 2024. GODINI

**Pravo predlaganja imaju:** privredna društva, mjesne zajednice, udruženja građana, naučne, kulturne, obrazovne sportske i druge institucije, organi uprave, javne ustanove koje imaju sjedište na području općine Novo Sarajevo, politički subjekti koji djeluju na području općine Novo Sarajevo, stalna radna dijela Općinskog vijeća i Općinski načelnik da, dostave svoje prijedloge za dodjelu javnih priznanja Općine Novo Sarajevo, za zasluge postignute u 2023. godini.

**Naprijed navedeni subjekti nemaju pravo isticanja sopstvene kandidature za priznanje.**

Javna priznanja Općine Novo Sarajevo su Zlatna plaketa i Srebrena plaketa. Pored priznanja može se dodijeliti i Zahvalnica.

**Priznanja se dodjeljuju:** građanima, kolektivima, organima vlasti, političkim organizacijama, udruženjima građana i drugim institucijama sa područja općine Novo Sarajevo za zasluge na području društvene, privredne, kulturne, sportske i druge aktivnosti od značaja za Općinu.

Kriteriji za dodjelu priznanja Općine Novo Sarajevo su:

a) Kolektivima koji su:

- ostvarili značajne rezultate u poslovanju, u odnosu na prethodnu godinu;
- investirali u proizvodnju, proširili kapacitet i uposlili veći broj radnika u odnosu na prethodnu godinu;
- postigli značajne rezultate u oblasti privrede, nauke, kulture, sporta, obrazovanja, zdravstva, javnog reda i mira i sigurnosti, socijalne zaštite, a posebno razvoju i promociji humanitarnog rada i društvene odgovornosti, razvoju komunalne infrastrukture, zaštite radne i prirodne sredine, razvoju amaterizma i sličnih oblasti, koje je imalo odraza na razvoj društvene zajednice;
- za postignuti kreativan rad, posebno kod djece i omladine;
- dali izuzetan doprinos u otklanjanju elementarnih nepogoda koje eventualno zadese društvenu zajednicu.

Za postignute izuzetne rezultate u oblasti komunalne infrastrukture posebno će se uzeti u obzir ocjene date u mjesnoj zajednici.

b) Pojedincima koji su:

- svojim radom i zalaganjem postigli značajne rezultate i na takav način doprinijeli unapređenju rada kolektiva i društvene zajednice;
- svojim radom u oblasti privrede, nauke, kulture, sporta i obrazovanja doprinijeli afirmaciji općine Novo Sarajevo;

Općina Novo Sarajevo, ulica Zmaja od Bosne br. 55, centrala telefon (387 33) 492 100

Općinsko vijeće Novo Sarajevo

tel: (387 33) 492 268, fax: (387 33) 650 397, email: [vijece@novosarajevo.ba](mailto:vijece@novosarajevo.ba)

Identifikacioni broj: 4200558710008 PDV broj: 200558710008 Porezni broj: 0170333000

Depozitni račun 1411965320011288 Bosna Bank International d.d.

- svojim radom i zalaganjem doprinijeli razvoju lokalne zajednice i poboljšali uslove života;
- za inovacije ili postignut izuzetan kreativan rad, dobili međunarodna priznanja;
- učestvovali u spašavanju života, zdravlja i materijalnih dobara, od elementarnih nepogoda i drugih nesreća.

Priznanje se može dodijeliti i posthumno.

Izuzetno, javno priznanje se može dodijeliti i kolektivima i pojedincima koji nemaju sjedište, odnosno, prebivalište / boravište na području općine Novo Sarajevo, ako se njihova ostvarenja odnose na općinu Novo Sarajevo, a u skladu sa kriterijima i mjerilima utvrđenim Pravilnikom o kriterijima za dodjelu javnih priznanja Općine Novo Sarajevo.

**Rok za podnošenje prijava Komisiji je 31. mart 2024. godine.**

Priznanje se ne može dodijeliti organima uprave svih nivoa vlasti u BiH, izabranim funkcionerima, poslanicima i vijećnicima svih nivoa vlasti u BiH, za vrijeme trajanja njihovog mandata, kao ni zaposlenim u organima uprave svih nivoa vlasti u BiH, za ostvarenja koja se odnose na djelovanje u okviru djelokruga posla koji vrše u organu uprave.

**Prijedlozi moraju sadržavati sljedeće:**

- ime, prezime i adresu kandidata, odnosno naziv i sjedište privrednog društva, ustanove, institucije, udruženja građana, mjesne zajednice ili drugih subjekata,
- naziv priznanja za koje se kandidat predlaže,
- obrazloženje prijedloga u obimu primjerenom priznanju za koje se predlaže,
- dokumentaciju kojom se potvrđuju navodi iz obrazloženja: (original ili ovjerena kopija) rješenje o registraciji - ukoliko se prijedlog odnosi na kolektiv, radni odnos, djelo, odnosno zasluge za koje se kandidat predlaže, kao i dosadašnja priznanja, nagrade i odlikovanja,

Ukoliko prijedlog kandidata predlaže mjesna zajednica, izvod iz zapisnika sa sjednice na kojoj je usvojen prijedlog kandidata za dodjelu priznanja.

Neblagovremeni prijedlozi, kao i prijedlozi sa nepotpunim obrazloženjem, neće se uzeti u razmatranje.

Javna priznanja se dodjeljuju 16. maja na Dan Općine Novo Sarajevo.

Prijedlozi se dostavljaju putem pošte „preporučeno“ na adresu: Općinsko vijeće Novo Sarajevo - Komisija za izbor, imenovanja i javna priznanja, Ulica Zmaja od Bosne broj 55, Sarajevo ili neposredno na protokol Općine.

**NAPOMENA: Predlaganje kandidata se vrši putem obrasca, koji je objavljen uz Javni poziv na Web stranici Općine - [www.novosarajevo.ba](http://www.novosarajevo.ba) – JAVNI POZIVI.**

Dodatne informacije mogu se dobiti na telefon: 033/492-283 ili 033/492-268.

## **KOMISIJA ZA IZBOR, IMENOVANJA I JAVNA PRIZNANJA**

*Općina Novo Sarajevo, ulica Zmaja od Bosne br. 55, centrala telefon (387 33) 492 100*

*Općinsko vijeće Novo Sarajevo*

*tel: (387 33) 492 268, fax: (387 33) 650 397, email: [vijec@novosarajevo.ba](mailto:vijec@novosarajevo.ba)*

*Identifikacioni broj: 4200558710008 PDV broj: 200558710008 Porezni broj: 0170333000*

*Depozitni račun 1411965320011288 Bosna Bank International d.d.*

